

Panis Evangelici Fragmenta Qvadragesimalia Tripartita

Ex sanctissimo Dei Verbo copiosé & sedulo collecta, Sanctorum Patrum,
variorumque Auctorum sententiis & conceptibus mirificè aucta; Et
Omnibus Quidem Anni Dominicis; præcipuè tamen singulis Quadragesimæ
Dominicis & Feriis per binas ad minus, sæpius denas aut septenas
Conciones fidi Populo ...

**Lingendes, Claude de
Coloniae Agrippinae, 1689**

In Feriam Tertiam Post Dominicam Passionis.

Nutzungsbedingungen

[urn:nbn:de:hbz:466:1-56368](#)

CONCIO QVOMODO DATVR ET AVFERTVR GRATIA. 115

teret, cui negligentius portram aperuerat, ne
sibi incommodaret: Deinde enim elapso
Sponso, ipsa coacta est per urbem querere. u
bi Sponsus esset; & cum ab ipsa Sponsus quæ
teretur: Num quens diligit an ma mea vidisisti?
memento quām obscuras & incertas indica
tions acceperit, & quām malè accepta sit à
custodibus civitatis: Canticus 5. Quæsivi, & non
inveni illum: vocavi, & non respondit mihi: Inve
serunt me custodes qui circumneunt civitatem: per
suerunt me, & vulneraverunt me: tulerunt pal

lium meum mihi custodes murorum: Sed post
multum laboris, & postquam multum passa
est, eum tandem invenit Cantus 3. Paululum
cūm pertransiſſem eos, inveni quem dilit anima
mea, tenui eum, & non dimittam. Certè si ami
cisti, quære; si non invenis voca, & iterum
quære donec invenias; si inveneris, ſtinge,
nec dimitte, ut ſemper & in æter
num poſſideas,

Amen.

**

FERIA TERTIA

DOMINICÆ PASSIONIS.

CONCIO.

De rectâ dici dispositione.

Tempus meum nondum advenit. Joan. 7.

Nihil est magis nostrum, nihil etiam
minus nostrum quām tempus: Magis nostrum nihil, cum exis
te non possumus sine tempore, ac
illud quod habemus adēd sit libertati no
stra traditum, ut oppignerare ac impende
re possimus prout nobis luber, captivum
dedere qandiu voluerimus, posteaque in li
bertatem afferere quando nobis visum fue
rit, secundum Apostoli verba, Redimentes tem
pus, quoniam dies mali sunt. Maxima opum
bonorumque pars usurpata est hominum
cupiditate, eaque potentissimi invaserunt &
quasi occupavere. Tempus autem commu
ne omnibus remansit. Sol æqualiter unicui
que lucet, cœlique pari æquabilitate ac
celeritate mox metuntur tempus univer
sis mortalibus: quilibet suam inde par
tem accipit, nec ea usquam toto minor est,
P. 2. & quod

& quod quisque sumit, nihil alterius portionē imminuit: nō Rex, nō Imperator, nō quilibet avidus Dynasta, plus potest sibi sumere de tempore, quam quilibet de vulgo: Plures, justè videant, maris littora sibi usurparunt, quod essent ditissima unionibus & rebus pretiolis; at nemo alteri tempus usurpavit, licet ut ait Seneca; nullum temporis pretium sit; sed omnibus in medio relictum est; & proinde nemo potest alteri eripere, nisi simul vitam auferat, atque pro tempore, largiatur æternitatem: sicut nec ipsum tempus desiturna scripsit Plato, nisi cum occasum mundi.

Aliunde ut dixi, nihil in pestate nostrâ minus est quam tempus: 1. Quia ei omnes subiecti sumus: Ecclesiastis 3. Omnia tempus habent, & suis spatiis universa transiunt sub celo. Inde fit ut usurpemus omnes denominatio-nes quæ temporis differentias constituant & determinant: dicimus enim nos fuisse, nos esse, nos fore. 2. Quoniam in pestate nostra nullam temporis partem habemus: non potest enim revocari præteritum, inhiberi præsens, promitti futurum. 3. Quia nequimus ita ut in tempore, ut pro voluntate nostrâ & arbitrio sit uniuscujusque rei tempus & opportunitas: quod plane ostendit, nos illius dominos non esse: at id nobis dominari, quandoquidem obedire nos tempori oportet.

Hinc 1. Nobis non licet omnia quocunque tempore præstare. Unde distincta rerum omnium tempora, & opportunitates, quas idem Eccl. enumerat ibidem: Tempus nascendi, & tempus moriendi: Tempus plantandi, & tempus evellendi: Tempus flendi, & tempus ridendi: Tempus odij, & tempus dilectionis; & ita in aliis quæ magno numero tecenser.

Hinc 2. Non omne tempus est opportunitas salutis. Unde Apostolus Rom. 14. Et hoc sciens tempus: quia hora est iam nos de somno surgere. Nunc enim proprior est nostra salus, quam cùm cre-

didimus: Nox processit, dies autem appropinquit. Et 2. Cor. 6. At enim: tempore accepto exaudi vi te, & in die salutis adj. vi te: Ecce nunc empus acceptab le: Ecce nunc dies salutis.

Hinc 3. Fissem aliquando accipit tempus quod nobis datur: Joan. 9. Me oportet operari operarius, qui misit me, donec dies est, veni ux quando nemo potest operari: Ita in hunc sensum illud dictum Davidis. Hodie si vocem ejus audieritis, nolite obdurare corda vestra: interpretatur Apostolus Hebr. 3. Adhortamini (ait) vestimentipos, per singulos dies, donec hodie cognominetur: Et Angelus quidam juravit in Apocal. 10. Quia tempus non erit amplius: Nam ut reliqua, datur ad mensuram.

Iterum dico nihil minus est nostrum quam tempus, in considerantia nostræ culpæ: Vix enim quidquam cum ordine & consilio facimus, sed fortuna, temeritas, casusque, actiones nostras gubernant. Solus ille Dominus est, summoque jure arbiter temporis, qui tempora universa fecit, & is de quo Apostolus loquitur. Per quem fecit & secula: Et Hebr. 11. Fide credimus aptata esse secula verbo Dei. Non igitur tantum Dominus, quia fecit, sed etiam quia aptavit, id est digessit: nam omnia suis temporibus distribuit; quemadmodum omnia suis locis disposuit; quod tories in Scriptura significatur: Actor. 17. Definiens planata tempora, & terminos habitationis eorum: Et Mat. 1. Quoniam impletum est tempus, & appropinquavit regnum Dei, penitentia, & credite Evangelio: Et Actor. 1. Non est vestrum noſſe tempora, vel momenta, quæ Pater posuit in sua potestate: ad Galat. 4. Vbi venit plenitudo temporis, misit Deus Filium suum: Ephes. 1. In dispensatione plenitudinis temporum, instaurare omnia in Christo: Quod cùm in rebus omnibus observatum fuerit, certè maxime respectu Messiae: Ipse enim secundum divinitatem unum cum Pare, ab aeterno, non solum instituit, atque decrevit, quæ pro salute nostra in carne suscipienda facturus

erat: sed singula suis temporibus, & locis instituit, atque ordinavit, ea que omnia sua Humanitati à se susceptae in ipso unionis instanti revelavit: Uti scriptum est Psal. 39. In capite libri scriptum est de me, ut facerem voluntatem tuam: Deus meus volui, & legem tuam in medio cordis mei: Quod ita observavit, ut nunquam horam præterierit, nec anteverterit, nec etiam tamen diu facerit, sed in omnibus Patris præceptum sit secutus; usque cō ut.

1. Licet mortem admodum optaret, atque impatienser expectaret, si fas est ita loqui juxta illud Lucæ 1. 2. Baptismo autem habeo baptizari, & quomodo coarctor usque dum persuaderemus? non lauerit tamen prævenire tempus, neque Iudeus permittere, quod saepē tentarunt; ita Joan. 7. Nemo misit in eum manus, quia nondum venerat hora ejus: Et Joan. 12. Venit hora ut clarificetur filius hominū: Pater sanctifica me ex hac hora: & cap. 13. Sciens Iesu quia venit hora ejus: & cap. 17. Pater venit hora clarifica Filium tuum.

2. Ut licet invitaretur atque impelleretur ad quædam agenda, quæ erat facturus; se tamen facturum esse negarer, quia vel exigua pars temporis prævertebatur. Ita Joan. 2. rogatus à Matre ut convivarum succurreret in opere, quibus vīnum defecisset: respondit: Quid mihi & tibi mulier, nondum venit hora mea; & hodierna die invitatus a cognatis ut ascenderet ad diem festum Scenopegiæ, negavit se ascensurum: Vos ascendite ad diem festum hunc: ego autem non ascendam, &c. quia tempus meum nondum impletum est: subdit autem Evangelista: Hec cum dixisset, ipse mansit in Galilaea. Ut autem ascenderunt fratres ejus, tunc & ipse ascendit ad diem festum, &c.

Quâ ex occasione rem ego aggredior omnium utilissimam in vita, sed maximè negligeam, nempe totius vitæ moderationem in unius tantum diei dispositione. Quis enim in seculo id ferè cogitavit? Omnia perturbata & confusa; omnia incerta & vagâ, ita ut mo-

re belluarum vivamus: ac quemadmodum iij homines quibus vagæ sedes extiterunt, non dissimiles à belluis judicati sunt; ita cūm potior habenda sit temporum quam locorum & sedis ratio, quisquis in vita nihil habet ratione temporis dispository, belluarum morte vivit.

Accedit eō hinc facile existere quod tanto perè videatur difficile, ut vita nostra tota componatur, cum facilis sit unius-diei compositione. Vita enim omnis nostra, unus est dies: dies siquidem hebdomadas componunt, illæ menes, isti annos, hi autem omnem vitam nostram. Itaque omnis vita nostra, non est nisi dies unus saepē iteratus; & illa est vita longior quæ saepius eundem diem iterat: Vnde Seneca singulos dies, singulas vitas puta: Et infrā: Cui sua vita, quotidie fuit tota, securus est. Et certè eadem agimus quotidie; sursum, oramus, comedimus, operamur, ludimus, dormimus: Proinde si hæc semel bene disposita fuerit. Neque vero ullus sperare debet vitam ex rebus sex diebus dissimiliis compositam; nec propterea easdem actiones diversis modis velle efficere debet: sed una aliqua ratio eligenda, in quâ semper hæreatur; multarum rerum exemplo, atque imitatione, quæ semper idem operantur.

1. Ipsilon Dei, qui perpetuò intra se filium generat & Spiritum Sanctum producit.

2. Dei ut Creatoris, qui leges quas creationis initio posuit, semper observat, juxta illud, Ordinatione tua perseverat dies:

3. Beatorum in quibus est eadem visio, idem amor, idem canticum.

4. Ecclesiæ, cui Deus ab initio eadem proposuit, ante Incarnationem futura, in ipsa Incarnatione præsentia, nobis vero præterita.

5. Beatæ Virginis, cujus vita ante annuntiationem fuit in desideriis Messiae, ab Annuntiatione in fruitione post Ascensionem in recordatione.

6. Viventium sub veteri lege, in quâ idem semper ignis, eadem sacrificia, manæ & vesperi.

7. Viventium sub lege Evangelicâ, in quâ eadem Sacra menta omnibus proposita, eadem mysteria, eadem ceremonia, eadem Evangelia statim temporibus, sicut eadem festa semper recurrentia.

Hic possem multorum afferre exempla qui semper in iisdem versantur: Quidam in iugis Passio nis contemplatione: alii in mysterio Nativitatis: alii in iugis pœnitentia.

Et hujus quidem similitudinis, & quasi unitatis in vita plurimæ existunt rationes.

1. Est. Quia illa ratione vetatur inconstancia, maxima vita spiritalis pestis, quæ nos per infinita actionum genera transversos agit, quo incommodo nullum fortasse majus in pietatis exercitatione existit;

2. Quia hac ratione acquiritur maxima agendi facilitas: nam sæpe idem agendo acquirimus habitum, ejus autem fructus est ut sit facilis operatio, & constans actio.

3. Quia alioqui nunquam in te ullâ perfecti existimus: cum quia nihil perfectè addiscimus, secundum illud 2. ad Timot. 3. Semper discentes & nunquam ad scientiam, veritatem pervenientes: cum quia sine facilitate, nulla est delectatio; ipsa autem est operis perfectio: cum quia habitus non acquiritur, nisi multo tempore; nihil autem perfectum sine habitu, quia nulla est virtus firmiter operans præter habitum.

4. Quin interest ut actiones nostræ bene fiant, cum ut ille olim de se dicere solebat, æternitati pingamus: & illud Bernardi pensandum sit lib. 5. de Consid. cap. 12. Quæ priora, transierunt, & non transierunt: transierunt à manu, sed non à morte: Quod factum est, factum non esse non potest: Proinde, et si facere in tempore fuit, sed fecisse in æternum manet: non transibit in tempore, quod tem-

pore transit: in æternum ergo necesse est crux, quod perpetram te egisse in æternum memoris. Et. Quod cum ita sit nonne erit prudenter ea discere bene, quæ semper mansura sunt, & transcribenda æternitati?

5. Quando quidem adeò laboriosum & difficile est designare & committiri vitam integrum, facile fuerit diem unum disponere, cum quilibet dies sit totius vitae nostræ quasi contractior tabula & summa. Inde accidet ut dies singuli nobis evasuri sint meliores, die uno alterum erudiente, nam Dies diei erudit verbum, & nos nocti indicat scientiam. Psalm. 18. ac secundum antiqui Scriptoris verba, Dies posterior prioris est discipulus. Indidem fieri futura sit unitas in vita nostra, neque ea distinguatur variis coloribus; cum præceptum fuerit antiquæ Legis, Deuter. 22. Non arabi in bove simul, & asino: Non indueris vestimento quod ex lana, linoque contextum est: quæ præcepta non sunt admodum considerabilia, nisi ratione significationis moralis.

Hoc itaque opus in duobus consistit: 1. In constitutione stabili diei: 2. In firma exalta que observatione ordinis semel descripsi & præstituti,

Constitutio duo continet, naturam actionem, & earum modum: Per naturam intellico earum rerum substantiam quæ vitam nostram componant: quæ ferè ad tria capitula feruntur, & sunt, Devotion, Negotia, & Ludos, seu animi relaxatio de quibus agendum: Et quidem quoad 1.

Nomine Devotionis intelligo actiones quæ immediatè tendunt in Deum & ejus obsequium sine quibus, ut pater, nullus dies præteriri debet. Illæ vero sunt oratio, meditation, lectio, Missæ auditio, usus Sacramentorum, verbi divini auditio, virtutum exercitium separatum. Hæc enim est principia

vita nostræ pars, immò ad hoc tantum natum; atque optandum esset iis solum intendere: sed quoniam id non patitur huius vitæ necessitas; certè pars aliqua tribuenda illis. Quām enim turpe fuerit integrum diem sine Deo præterire? ut si diem sine sole, ac luce præterires. Cerrè nemo est quinon debet a Deo saltem duo tempora; diei principium, & finem. Etenim principia consecranda sunt Deo; & auxilium à cœlo accerendū; sic enim admonetur anima, quid totā die agere debet. Refert Plutarchus Regi Perseorum quotidie unum è cubiculariis ad fuisse qui diceret, Surgeò Rex, & curā age earum rerum quibus te Oromasdes p̄æposuit. Idem tibi quotidie dicit. A Deo flagita opem ad tria, 1. ad bonum quod à te præstandum est, aut ex officiū lege seu obligatione, aut sponte: 2. ad peccata quæ tibi devitanda sunt, & ad tentationes quas superari abs te oportet: 3. ad mala quæ toleranda tibi acciderint. In eodem tibi claudenda est dies, revocandusque ad te animus. Ne omitto examen; parvum, uti appellat Philo, conscientiæ tribunal. Manè speculum sumis, ut te hominibus exhibeas, assume itidem serò, ut te offeras Deo. Audi quod suadet Augustinus: Peccata nostra judices nos sentiant, non patronos: Idem tu agnosce, & Deus ignoscet, &c. anteverti judicium & mortis periculum. labello olim cantum habuere anacleticum, quo palantes revocarentur: Ita etiam animus post varias occupationes, & distractiones ad se revocandus est. Vsus lectioonis utilissimus est, nam sicut cibis corpora reficiuntur, ita etiam animale lectio. Diebus autem festis, magis religiosis, aliquid addendū est. Inter opera devotionis, virtutū exercitia numeravi, quia virtutes peculiari attentione ad Deum, peragendas sunt, uti Eleemosyna, charitatis actus, pœnitentiæ exercitia, &c.

Quoad modum in actionibus devotionis obliuianum attrinet. Tria sunt observanda:

Fidelitas, Reverentia, Fervor: Fidelitas in eo consistit, ut non omittas: nam, ut scripsit S. Nilus S. Chrys. Discipulus, nihil non efficit Dæmon, ut nos revocet ab oratione; si non fueris constans, multa tibi occurrent quibus allectus omittes quæ Deo debes, sed memento hoc esse summum omnium operum. Salomon à matre reprehensus est, quod sacrificiū matutinū impediisset prima die nuptiarū, cum adhuc sterteris claves templi non d. disset quas ipse servabat, uti refert Arboreus. Reverentia in eo est, ut scias tibi rem esse cum Deo, cuius majestas summum cultum exigit. Fervor denique: ne facias opus Dei negligenter, sive fraudulenter: sed attendas, & animū applices: alioqui sāpe multis illud Davidis contingit; Et oratio eius fiat in peccatum.

2. Pars, pertinet ad negotia, quo nomine intelligo ea in quibus vita nostra occupatur: Etenim unicuique incumbit obligatio aliquis operis, quocunque sit.

1. Quia hoc homini naturale est, secundum illud Iobi 5, Homo nascitur ad laborem, & avis ad volatum.

2. Quia ad hoc Deus vitam hominibus reddit: Genes. 2. Posuit eum in paradiſo voluptatis ut operaretur & custodiret illum: & Psal. 23. Qui non accepit in vano animā suā, alioqui hoc est, ut ait Psaltes in vanum accipere animam suā: Hebræ. otiosè: hoc est accipere ad perdendum: Ita quod vertit interpres, accipere, vox Hebreæ asa, significat etiam comburere: otium enim omnia bona absunt. Idem dixit Apostolus 2. Cor. 6. In vacuum Dei gratiam recipere, quod exponit Anselmus, per desidiam facere ut inse gratia Dei sit otiosa, atque inutilis, ac si nulla data fuisset.

3. Quia vivere, idem est quod agere, & otiosi mortuis sunt similes: omnibus autem vita convenit: itaque rectè dixit Aristoteles lib. 9. Ethica cap. 9. ἐφεντεῖα aliquid agendo

agendo sumus & vivimus: cum è contra otio-
si homines similes sint statuis Dædali, quæ a-
nimam habere videbantur, sed vitâ carebant,
sic illi ut colorata cadavera, os tantum ad nu-
gandum, & edendum aperiunt, non autem ad
loquendum.

4. Convincimur hujus rei exemplò retum
omnium: nihil est enim in naturâ otiosum:
Quin etiam Beatæ mentes licet videantur es-
se in summâ quiete, in illis tamen Sanctus
Dionysius libr. de div. Nomin. cap. 4. ait esse
sātivu[m] klyngiu[m], statum & motionem, nunquā
bonâ actionis expertem: Explicat Sanctus
Maximus, & ait, Sanctas mentes èsāvau[er]o
Cæs[ar]i stare firmiter in Dei contemplatione &
amore, & easdem klyngiu[m] moveri, cum ad
proximos juvandos proderint. Ibi vides sem-
per actionem, seu in statu, seu in motu: pri-
ma circa Deum; alia circa proximum. Immò
de ipso Deo, summè immobili, ex mente
Dionysij dixit idem Maximus, ipsum stare, &
moveri: Stat cum in se immobilis omnia pe-
renniter generat; movetur cum omnia in me-
lius transformat. Non igitur mirum si Deus
semper agens odetit desidiosum, juxta illud
Isaiae 1. Odi Sabbatho[rum] vestra, quod Sanctus Basilius
de inertia interpretatur.

5. Hinc providit Deus, ait Chrysost. homil. 12. ut multa essent difficultia quæ nostram
segnitatem excuterent, nosque ad agendum ex
necessitate adigerent, aut excitarent.

6. Atque ut scias homini laborem, & oc-
cupationem convenire; sicut quæ naturalia,
ea prolunt, quæ verò contra naturam, ea no-
cent; ita sit ut nihil homini plus noceat otio
ac desidia.

Ex otio enim omnia vitia, Ecclis. 33. Mu-
ltam enim malitiam docuit otiositas: Vnde Basilius homil. 8. hexame. otium vocat p[re]cepto-
rem vitiorum. 2. Omnes passiones: unde
Sidor. lib. 1. Epist. 9. otiosum animum vocat
ø̄μηνήρον τῶν πατερῶν, perturbationum animi

propugnaculum: quia scilicet tutæ sunt ani-
mæ perturbationes à divinis motionibus &
virtutibus. 3. Summa dæmoni commoditas
ad tentandum. Athanasius libr. de Virginat.
Dæmones valde delectari otio corporis: Id
probat Basilius exemplo Dæmonis reveren-
tis, cum vidisset domum vacantem: Vnde et
Cassiano lib. de spiritu acedia cap. 21. aje-
bant Patres operantem Monachum Dæmo-
ne uno pulsari; otiosum autem ab innumeris
spiritibus devastari. Et ideo consilium S. He-
ronymi Epist. 9. ad Rustinum: facito aliquid
operis, ut te semper diabolus inveniat occu-
patum. Hinc facile est judicium passim de ju-
venibus, & de mulieribus quæ vivunt otiose:
nimirum nihil esse in illis virtutis, ne vesti-
gium quidem: immò id semper apud me sta-
tui, vix illas castas esse posse: nam si ullam repe-
tit castitas, certè otiositate. Otia si collas, pe-
rie cupidinis arcus: Et idem Poëta. Quari-
tur Ægistus quare sit factus adulter in promptu
caula est, desidiosus erat. Proinde San-
ctus Ambrosius de fugâ sacerdotum cap. 6. Otium,
laicivæ ferias nominat: Theodor. Studia
ser. 100. animi lontes ferias: Hinc Chrysost.
in Psalm. 8. duos ait esse fontes malitie æren-
& οχολὴν, otium, & remissionem. Nec valet
excusatio nihil esse operis: Nam si non habes
proprium, habes alienum. August. Epistola
202. & Plato ajebat bonis nullum Patriæ con-
sulendi modum, aut finem esse. Et ex Sym-
macho lib. 2. Epistola 3. fratum negotia vel-
le cognoscere pia, & honesta curatio est. Jam
fœminæ quād multa possunt pro Templis, &
pro Pauperibus, de justo labore suo? Vide
quid consulat Hieronymus Eustochio super
eâ re. Ego verò dicam tibi? Nobilis & dives
Domina, honora Deum de justis laboribus
tuis: Dico de laboribus justis, non de rapina,
ut eum quædam se honorare credunt. Nec, ut
iterum dicam, opponas te nihil habere quod
agas. Etenim sicut lunt unicuique occupatio-
nes

nes; alia ex necessitate, alia vero ex electione, nec ullus est, quicquid dicat, qui non habeat conditioni sua proprias & accommodatas. Sunt sua fœminis sunt sua viris, etiam principibus. Quam multa habes domi facienda circa liberos, circa domesticos, circa familiā? An putas in ordinandā familiā nihil esse occupationis? Jam circa externos, ut negotia præterea, quantum occupationis est in pacificandis inimicitiis, in juvandis pauperibus, viuis, afflictis, & oppressis? Et cum omnia detinentur, oportet esse industrium in se bene occupando: 1. ut in labore hominum sis, & imples illud. *In sudore vultus tui vesceris pane tuo:* 2. Ne sis otiosus: etenim ut ait Sapiens Proverbiū. *Manus in manu, non erit innocens malus:* 3. ut talentum tibi à Deo collatum expendas, & opus tibi commissum implreas. Quam turpe est vide fœminas nobiles totā die otiosas! rete dixit Hesiodus: *Iners otium, dedecus est atque infamia.* Specta Veneris imagines, nunquam videoas in manibus ejus telam, colum, aut aliquid operis: sed otiose mulieri adest Cupido. Errant autem qui existimant, egenis laborandum, aliis vero divitibus, otiodum: Audiant Hieronymum Epist. 8. Cum omnibus laborandum est, ut per occasionem operis, nihil aliud cogites, nisi quod manibus tuis ipsa confeceris. Memento mulieris fortis de qua Salomon in Proverb. cap. ult. *Manum suam misit ad fortia & digitū eius apprehenderunt fusum.* Quam tibi honorificum, ut tuis manibus Christo vestem texueris, aut altaria labore tuo operueris. *Honora Deum de tua substantia* ait Sap. Proverb. 3. Vide Homerum quam occupationem donet principibus fœminis: De illede lege in Historiis: Sed virtutes ferè in solis libris remanserunt, & in veterum memoria; virtus autem in moribus nostris. Hoc supposito nullū scilicet esse, qui suā nō habeat occupationem, suumque negotiū; vide quomodo in negotiis agendis te gerere debeas.

Tom. III.

In illis tria sunt observanda, Conscientia, Diligentia, Sobrietas: Conscientia, ne mala sint, ne inutilia, ne illicita, ne nociva. Paulinus Epist. 20. de inutili opere: *Hoc vero est in medio dierum inanum, texere operibus vacuis araneæ telam.* Sed Christus. *Quid proficit homini, etiam si universum mundum lucretur, anima vero sua detrimentum patiatur: aut quae dabit homo commutationē pro anima sua?* Quam multa sunt quæ sociari nequeant cum salute? Diligentia, quia scilicet sunt opus Dei. Sobrietas ne sint nimia, ne animus opprimatur; immò post varias, & multiplices occupationes is ad se revocandus est: dissipatur enim mens, & deperit sensim nisi ad te recipiatur.

Tertia pars spectat Ludum & recreationē, quæ communiter loquendo, in viā etiam seriatim est necessaria, quia nimia contentio vires frangit, remissio reparat. Ita Sapientes omnes iudicarunt, Socrates, Plato, Aristoteles: Immò Christus cum Apostoli rediſtenter à labore prædicationis, eos jussit quiescere uti dicitur Marci 6. Et dicit illus. *Venite seorsum in desertum locum, & requiescite pusillum:* Ita Ioannes Apostolus interdum cum perdice ave animum relaxabat: Sic viri Apostolici: ut Nazianzenus, qui ad littus maris animum remittebat: unde orat. 6. ita loquitur: Non interdictam volo animi relaxationem, sed immoderationem coerco. Sed tria in Ludo & recreatione sunt observanda: 1. Innocentia, ne scilicet recreatio capiatur ex rebus turpibus & in honestis; item ne per impietatem, ut ex rebus lacris, aut personis: Ad hanc, ne ex illicitis ludis. Hinc multa SS. PP. dicunt contra ludum aleæ, quæ S. Cyprianus appellat Diaboli laqueum manifestum. Itaque Imperator ad legem Aquileiam: *Iudicis noxiū in culpa est.* 2. ut servetur Decorum: ut nimis habeatur ratio personæ, loci, & temporis: Ita quedam licent sacerdotalibus quæ non licent neque Religiosis, neque Clericis & personis illis quæ professio-

Q

acm

nem peculiarem faciunt sanctitatis, virtutis,
& strictioris disciplinæ. 3. ut habeatur Mo-
deratio; quæ ista postulat: ut non totam vi-
tam ludus implete: ut enim ait Seneca Epist.
20. plerisque agitur vita per lusum. Immò nec
meliorem vitæ partem; quod expostulat Aug.
serm. 27. de verbis Domini: Si quid de bonis
deperit, tristis; dies perdis & gaudes. Ut sic
animus remittatur ut non dissolvatur: quod
ait Seneca Epist. 15. Itaque dictum est Theo-
phrasti in Laetio, sapientia rumpi arcum si
relaxetur: quâ ex occasione querit Aristoteles
de Ludione 7. Ethic. cap. 7. an sit intem-
perans, an mollis. Quia scilicet remissus ani-
mus ita emollescit, ut ea deinde fugiat quæ
robur animi, & constantiam postulant. De-
nique ne quod in plerisque reprehendit Ari-
stotel. 8. Polit. cap. 5. Ludum & jocum, finem
facias: nam ea tantum ratione ludus & re-
creatio permittuntur ut ad laborem sufficiam-
us. Itaque sic præcipit Anacharsis lude,
πέντε σεριας γηγενες ut res serias deinde agas: quasi
dicas; ludus opus sequi debet, & præcedere:
quod sic explicat S. Augustinus in Psal. 34.
Memento peregrisse te aliquid, restare aliquid,
divertisse te ad refectionem, non ad defensionem.
Unde magnorum hominum ludi non
sunt inutiles, uti de se Theodosius Rex glo-
riatur apud Cassiodorum lib. 1. Epist. 45. Sit
& pro republica & cum ludere videmur, nam
ideò voluptuosa querimus, ut per ipsa, seria
compleamus. Vide igitur quid de hodiernis
moribus sentiendum sit, & an communes ho-
minum recreaciones & ludi sint innoxii atque
innocentes.

Diximus de natura actionum: nunc dicen-
dum de modo: Tria dicit, Tempus, Ordinem,
Methodum.

Tempus: 1. ut omnia fiant suis horis: Ita-
que duo potissimum extrema diei regenda
sunt, surgendi videlicet ac decumbendi opus:
sed istud maximè: quoniam obrem Deus semper

numeravit dies ab hora septima. Genes. 8.
Factumque est vesper & mane dies unus.

2. Singula, singulis horis destinanda: dixi
singula, Quia omnia vitæ partium cura ha-
benda est, ac nulla negligenda. Ambt. lib. 2.
Ep. 25. Una hora rotius vitæ portio est. Nam
ut dicebat Socrates, in vita ut in simulacris
τὰ μέρη καὶ τὰ διάφορα. Omnes partes pulchras
esse oportet: uti enim nihil est in mundo quod
non sit ordinatum, ita nihil esse debet in vita;
ac sicut non tantum Cœli & Astra ordinata &
ornata sunt, sed etiam foliorum, & florum
rationem natura habuit; ita & nos præstare
debemus: ac sicut qui se curiosè induunt, non
tantum rationem habent vultus, oculorum,
oris vestium, sed etiam capillorum; ita nihil est
in vitæ tam exiguum quod negligere debeat.

Cæterum sic dies implenda est variis oc-
cupationibus, ut semper pars aliqua relinqua-
tur vacua, ut rebus extraordinariis destinetur.

Ordo postulat ut non simul omnia fiant,
sed successivè. Ut in actione incipias unde o-
portet, pergas eodem modo, neque milles
omnia: & cum hora præteriti destinata ali-
cui operi, etiamsi non sit opus absolum, il-
lud deseras, si non sit absolutè necessarium:
quia uti dicebat Christus, sufficit diei mali-
tia sua: & ita etiam cuilibet horæ sua sufficit; a-
lioqui fieret mira nostrarum actionum con-
fusio. Id verò dico ordinariè, nam aliqui
nolo esse tyrannidem actionum, sed ut non
facile de seras quod est propositum.

Methodus 3. ut scias rationem agendi. Et
in genere quidem. Observa 1. ut non agas ex
consuetudine, sed ex proposito.

2. Ut debitam habeas intentionem: & i-
deò subliste paulisper ante quam incipias. Est
quælibet particularis cuiusque actionis actio-
nis ex sua natura secundum virtutem à qua re-
gitur, intentio: Est alia etiam respectu status,
personæ, & præsentis dispositionis: aliquan-
do offerdeo ad satisfactionem, aliquando ad
gratia

gratiarum actionem , aliquando ad aliquid imperandum, &c. Est alia ascititia : S. Paulus vult omnia fieri in nomine Jesu: Theologi volunt ex motivo charitatis Dei : Patres spirituales in unione actionum Christi, S. Ignatius ad maiorem Dei gloriam: alii assumendo omnes intentiones, atque affectiones omnium Sanctorum , & pie viventium , in utraque Ecclesia, militante, & triumphante. Ita actiones merè naturales, ut somnus: refectio, ludus sunt morales : quæ autem sunt morales, sunt supernaturales ex motivo.

3. Ut perseverantiam habeas argue implas: Væ ijs qui perdiderunt sustinentiam: Christus Dominus sic Patri alloquitur Joan. 17. Opus consummavi, quod dedisti mihi, ut faciam: nec prius mori voluit, quam diceret, Consummatum est.

4. Cohibe in initio imprudentem aestimationem : Ue enim ait Ambros, qui diu facere aliquid vult, debet moderatè facere. In progressu præcipitem & inquietam anxietatem devita : fac ut agas, non ut egeris. Huc pertinet quod Christus admonuit. Matth. 6. Suffici dii malitia sua, præsertim quia peracta una actione, ad aliam transendum est : Itaque si agendum est, age, nec velis extra tempus egisse: 5. Cave tibi à motu indignationis si accidit ut quæ aggredieris & facis fœlici eveniu careant : nam rerum exitus non pendet a nobis, sed a Deo.

Denique videndum ut non tantum bene: sed etiam ut decenter, & pulchre facias. ut inferè in omnibus non tentum attendis ut haberas necessaria, sed etiam quævis ornatum: neque requiritur tantum in milite , ut bona finta, & integra, sed etiam ut nitida finta, & lucentia. Et ideo in particuliari scias quomodo res singulae sint agendae.

Hactenus dicta pertinent ad diei constitutionem, quæ sequuntur sunt ad ejus observationem. Nam multi, sibi regulas præscribunt, neceas aliter servant, quamuti tabellas egre-

giè pietas, vel ut eas se habere glorientur vel ut spectent ad dele stationem : In observatione igitur hæc tibi custodienda sunt.

1. Ut necessaria & obligatoria aliis præfendantur : in quo multi agunt præpostere, & Christus passim vocat hypocrisim.

2. Ne id agas serviliter , sed mutes pro ratione temporum & occasionū: recte dixit Apostolus 1. Cor. 14. Spiritus prophetarum subjecti sunt prophetis, quia tacere poterant & loqui cù volebant; eodem modo qui sibi legē posuerunt.

3. Ut impedimentis frequentibus aut extraordinariis quid tibi faciendum sit statuas: certe quæ sunt impedita aliquo negotiorum interventu, nisi sint necessaria, eo die sunt omitenda : quæ necessaria sunt , alterius non necessarii loco ponenda.

Hoc unum superest, ut eviteretur horū omnium neglegitus, qui fere oritur 1. ex parva salutis cura : Si M. ducus præscripterit tibi definitam rationem temporis, non eatu prætermittis: Quidnisi etiam pro animæ tuae salute illam adhibeas?

2. Ex nimia vivendilibertate : recte monet Apostolus, ad Galat. 5. Tantum ne libertatem detis, in occasionem carnis.

3. Quia multis videtur hæc minuta cura indigna homine magni ingenii : Nunquid tu Christo sapientior, cuius omnes actiones suis temporibus erant determinatae? Non habuit Angelum custodem, quia pro sua sapientia non indiguit ilius directione; habuit tamen tota vitam suā sub regula in omnibus circūstantiis.

Memento itaque hunc diem esse ut diem mortis; ut diem nundinarum; ut totam vitam; ut sigillar. vitæ; ut totam æternitatem. Et licet latet unus diem ex Dei præscripto transfigere. Nam quideiit sub vitæ finem, si illa nobis exhibetur penitus inordinata, & nullis legibus astricta? Sed nimis filii Belial, hoc est sine jugo , omnem legem aspernantur. Veniet, veniet ille dies, cum unum

Q. 2 diem

diem optabis qui tibi denegabitur. Finio cum' Apostolo Ephesiorum 5. *Videte itaque fratres: quomodo cautè ambuletis, non quasi insipientes; sed ut sapientes, redimentes tempus quoniam dies mali sunt: Propterea nolite fieri imprudentes sed intelligentes, qua sit voluntas Dei.*

Certe sapientes tempus vocavere sumptuosum impendium: Seneca de Brevit. vita

cap.8. Temporis nullum pretium est: Sed uulnus subdit. Re omnium preciosissima luditur, Memento in tempore esse æternitatem: & quale tempus habueris, talem te illam habiturum. Vide ut habeas beatam, Amen.



FERIA QVARTA DOMINICÆ PASSIONIS. CONCIO PRIMA. DE PRÆDESTINATIONE.

Vos non creditis, quia non estis ex ovibus meis. Oves meæ vocem meam audiunt: & ego cognosco eas, & sequuntur me.

Ioannis 10.

Cum Judæi causam suæ incredulitatis in Christum rejecissent, quasi non satis eis fuisset locutus, nec satis expresse dixisset se esse Christū, postquam eos mendacii arguit, eò quod abunde se eis manifestasset verbo, & opere, veram causam incredulitatis eorum aperit, nempe eorum malitiam, qua factum est ut ab ovium ipsius numero excluderentur. Itaque non creditis quia non estis ex ovibus meis, alioquin enim, oves meæ vocem audiunt, Sic enim enim vocantur ut audiant. Per oves autem Christi,

interpretē S. Augustino tract. 48. in Ioan intelliguntur Prædestinati: juxta illud Actor. 15. Crediderunt quotquor erant præordinati ad vitam æternā; Vnde signanter dicit de ovibus suis: & eo cognosco eas, quibus verbis ea ut prædestinatione significat: Quia uti Verbum Divinum cognitione gignitur; ira & Electi, seu Præstinati gignuntur cognitione, non merè speculativa, & sterili, sed fecunda, & practica. Vt enim Pater cognoscendo Filium, (terminus enim cognitionis ipsius est Filius) suam tribuit essentiam, & perfectiones omnes; ita

suis